

**Najib Dan Rosmah Hadir Majlis Khatam Al-Quran
Bernama
12 Ogos, 2012**

PUTRAJAYA, 12 Ogos (Bernama) -- Perdana Menteri Datuk Seri Najib Tun Razak dan isteri Datin Seri Rosmah Mansor hari ini menghadiri Majlis Khatam Al-Quran di Seri Perdana di sini.

Rosmah bersama lima rakannya khatam al-Quran yang dibimbing Ustaz Subki Othman.

Pada majlis yang sama, Rosmah menyampaikan sumbangan al-Quran Braille kepada Persatuan Orang-Orang Cacat Penglihatan Islam Malaysia.

Beliau turut menyampaikan duit raya, hamper dan baju raya kepada 60 anak-anak yatim dari Pertubuhan Rumah Anak Yatim Miskin Daerah Kuala Langat dan Rumah Bakti Al-Kausar, Bangi.

Najib dan Rosmah kemudiannya berbuka puasa bersama kira-kira 500 tetamu, termasuk warga kerja Kementerian Kewangan, anggota Badan Amal dan Kebajikan Tenaga Isteri-isteri Menteri dan Timbalan Menteri (BAKTI) dan anak-anak Permata.

-- BERNAMA

Copyright © 2012 BERNAMA

Source: <http://www.bernama.com/bernama/v6/bm/newsindex.php?id=687566>